

# Maana KOVÍDH-19 véksin maribólla añáttu ID lagibóune?



**Fótti ékzone véksin mari faribou. Oñnottu sehét bima NO LÁIBOU, yáto Amerikár decóitta yá tákoia uwa no foribou.** Véksin maribólla oñnottu cómajor maháfuzi nombór (SSN) zorurot noibou, kintu entezam goridoiya óle véksin or thiañ neelaifaibólla ékkan or arós gorit fare.

Zodi oñnottu cómajor maháfuzi nombór monót no táile yáto oñnottu indhílla nombór no táile, zehón tara saibou cúde hóidiyo “nai”. Oñnor zehonó maalumát ore ítara immigiricén yáto kaanun or dhái ore no dibou.

**Beggún ólla véksin iba MAANA.** Zodi oñnottu bima táile, véksin entezam goróiya óle véksin marár fíis ore oñnor bimat bíl goribou, kintu tarfór óite oñnottu honó hóros ar bíl diya noforibou. .

**Oñnor fuáñti indhílla ékkan cíz ána zorurot zeçe oñnor nam léka táibou** (mesál fothú ID, oin-faní bíl, yáto oñne hón hódde íyan tosdhík góra ékkan sáin diya cíñçi).

Oñne estemal gori faroude késsu ID ír kisím or mesál zeçe oñnor nam táibou:



Arekdec óttu diyéde hókumot or ID



Eskul ID




I-94



Miyat zaiya soloiyar laiséns yáto paáspouth



Oinno decór garí sólar haás kaádh



Oin-faní bíl



Oinno zehonó dokumén zeçe oñnor nam asé



Takár-zagar ID